



Broj: JN-OP-976-~~18~~/2024

Datum: 12-11-2025

PREDMET: Pojašnjenje tenderske dokumentacije

U sjedištu Ugovornog organa dana 10.11.2025. godine, pod brojevima protokola: JN-OP-976-16/2024 i JN-OP-976-17/2024 zaprimljeni su Zahtjevi za pojašnjenje tenderske dokumentacije, broj: JN-OP-976-6/2024 u postupku javne nabavke (Nabavka opreme (VN), radova i usluga za potrebe zamjene opreme u TS OP Sarajevo), dostavljeni od strane privrednih subjekata XELEMENT d.o.o. Sarajevo i BG ENERGO-TIM d.o.o. Prijedor, u kojima se traže sljedeća pojašnjenja:

Pitanje br. 1: (XELEMENT d.o.o. Sarajevo, 10.11.2025.)

1. Predmet nabavke obuhvata više lokacija (ukupno šest) koje se nalaze na teritoriji dva entiteta, što iziskuje dodatno vrijeme za organizaciju i terenski obilazak svih lokacija.
2. Potrebno je izvršiti uvid u postojeće stanje elektroenergetske infrastrukture, uključujući priključke, ormare, prekidače, rastavljače i ostalu opremu, što zahtijeva tehničke konsultacije i prisustvo ovlaštenih stručnih osoba.
3. Neophodno je pregledati i procijeniti stanje postojećih temelja i konstrukcija na svakoj lokaciji, radi provjere mogućnosti daljnje upotrebe ili potrebe za sanacijom, ojačanjem ili rušenjem i izgradnjom novih.
4. Potrebno je izmjeriti dužine kablovskih trasa te izraditi tačne predmjere i troškovnike radova u skladu sa stvarnim stanjem na terenu kako bi se pripremila adekvatna finansijska ponuda, a posebno jer dostavljena grafička dokumentacija iz projektnih zadataka u sklopu tenderske dokumentacije nije vidljiva.
5. Izrada finansijskog dijela ponude zahtijeva koordinaciju više projektantskih i komercijalnih timova, s obzirom na različite vrste radova i entitetske propise
6. Također, s obzirom da je dokumentacija opsežna, potrebno je dodatno vrijeme za usklađivanje projektno-tehničkih dijelova ponude i verifikaciju svih podataka prije predaje.

Vremenski rok za pripremu ponude je jako kratak, u odnosu na zahtjevani broj objekata i vrste radova za koje se traži predmetna ponuda,

Imajući u vidu navedene okolnosti, molimo da se rok za predaju ponude produži, kako bi se omogućila priprema kvalitetne, cjelovite i konkurentne ponude, u skladu sa zahtjevima iz tenderske dokumentacije, a sve u skladu sa odredbom člana 53. Zakona o javnim nabavkama BiH, I člana 54. istog Zakona, kako bi se omogućilo učešće većeg broja ponuđača i priprema ponuda koje bi u cijelosti zadovoljile potrebe naručioca.

Molim Vas i za odgovor, da li je za ponuđače iz Republike Srbije, u smislu člana 45. ZJN BiH - lična sposobnost, dovoljno da dostave Potvrdu Agencije za privredne registre Republike Srbije - Registra ponuđača iz koje proizilazi činjenica da ispunjava usle potraživane članom 45. ZJN BiH.

Pitanje br. 2: (BG Energo-Tim d.o.o. Prijedor, 10.11.2025.)

U prilogu 18-2 Tipska ispitivanja za rastavljače je navedeno ispitivanje: Ispitivanje graničnih temperatura (operation at the temperature limits) u skladu sa tačkom 7.104 relevantnog standarda.

Tačkom 7.14 predmetnog standarda je definisano da se ova tipska ispitivanja vrše samo na poseban zahtjev korisnika.

Obzirom da se rastavljači već decenijama koriste na ovom području koje nema neke značajne ekstreme po pitanju temperature –niti smo u arktičkom pojasu, niti smo u žarkom pojasu, molim UO da trazmotri svrsishodnost ovog ispitivanja.

U najmanju ruku smatramo da je nekorektno insistirati na dostavljanju izvještaja o ovim ispitivanjima u trenutku predaje ponude. Za organizaciju ovakvog ispitivanja je potrebno obezbjediti ekstremne klimatske uslove koji se čak i u laboratorijama mogu postići samo u određeno doba godine.

Molimo ugovorni organ da povuče zahtjev za ovim ispitivanjem.

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

Odgovor na pitanje br. 1:

Objava tenderske dokumentacije JN-OP-976-6/2024 je izvršena 03.10.2025. god.. Ugovorni organ postupajući po članu 40 ZJN, odredio je dovoljan rok za dostavljanje ponuda 20.11.2025. U tom period ponuđač može obaviti obilazak svih TS/EVP koji su predmetom ove nabavke, obavljanje uvida u stanje postojeće elektro opreme kao i građevinskih elemenata u svim TS/EVP, mjerenje dužina trasa kao i pripremu i predaju ponude.

Ukoliko nešto u tenderskoj dokumentaciji nije vidljivo, kroz pitanja za pojašnjenje se može razjasniti.

Razlozi koje ste naveli nisu dovoljni da bi se rok za podnošenje ponuda produžio. Ipak rok za podnošenje ponuda produžit će se zbog izmjena tenderske dokumentacije koje će biti izvršene, a vezane su za odgovor na pitanje drugog privrednog subjekta.

Za ponuđače čije je sjedište izvan Bosne i Hercegovine, potrebno je da dostave dokumente, koje izdaju nadležni organi u državi iz koje dolaze, iz kojih će Ugovorni organ, kod pregleda i ocjene ponuda, moći utvrditi ispunjenost uslova traženih tenderskom dokumentacijom. To se odnosi na sve uslove pa i na navedene u tački br. 12 tenderske dokumentacije a odnose se na člana 45. - lična sposobnost, ZJN BiH.

Odgovor na pitanje br. 2

Ispitivanje graničnih temperatura u skladu sa tačkom 7.104 standarda IEC 62271-102 predstavlja standardno tipsko ispitivanje koje se primjenjuje na rastavljake koji su predviđeni za rad na temperaturama iznad $+40^{\circ}\text{C}$ i temperaturama manjim od -5°C .

Standard kojim raspolažemo ne sadrži tačku 7.14 u kojoj stoji navod na koji se pozivate. Uvažavajući predhodno navedeno ostajemo pri zahtjevu za dostavu protokola o predmetnom ispitivanju, uz napomenu da je isti dozvoljeno dostaviti uz isporuku opreme u slučaju da nije raspoloživ u momentu dostavljanja ponude.

U skladu sa navedenim doći će do izmjene TD.

S poštovanjem,

Predsjednik Komisije
za JN-OP-976/2024



Imamović Nedim